



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 57. Abrahami Orteli fata.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.  
A.C. 1598.

in tanti laboris præmium Episcopalem sedem obtulerat, quam tamen gratiam cum humilis vir acceptare renueret, regie bibliothecæ ad S. Laurentium in Escoriali præficietur. Arrias ab æmulo suis, præcipue vero a Leone Castrejo qui de septuaginta Interpretibus commentarium scripsit, tam graviter vexabatur, ut ad dicendam causam Romam contendere cogeretur, inde vero revertens in Vandalitiam secessit, atque sacrorum librorum lectioni, & lucubrationi intentus Hispali, in Equitum sancti Jacobi Collegio, cujus alumnus erat, die prima Junii juxta Nicolai Antonii relationem, seu die sexta Julii juxta aliorum narrationem, anno ætatis suæ septuagesimo primo pie decessit. Scripsit præterea elucidationes in Evangelia, Acta Apostolorum, Epistolas Divi Pauli, Apocalypsin, in duodecim Prophetas, & triginta primos Psalmos, necnon in Hebraicam præter antiquitatum Judaicarum libros novem, pluresque alios Commentarios, quorum indicem exhibet Possevinus in suo apparatu sacro.

§. LVII.

*Abrahami Ortelii fata.*

*Miræus l. 6. p. 243. & 248.* Eodem pene mense, ut scribit Miræus, decessit Abrahamus Ortelius Antverpiano Montano admodum familiaris Antverpiæ

piæ natus, qui subtili quidem ingenii a-  
 cie præditus, politioribus tamen literis  
 vacandi occasione privatus nonnisi tri-  
 gesimo ætatis suæ anno ad studia ani-  
 mum adjiciebat, brevi tamen absque ul-  
 lius magisterio literas, & linguas mira  
 facilitate didicerat, quibus instructus,  
 cum antiquitatum, ac rei Geographicæ  
 a tenera ætate studiosissimus esset, Ger-  
 maniam, Gallias, Angliam, Hiberniam,  
 Italiam, & Hollandiam nec labori, nec  
 sumptibus parcens, non modo corpore,  
 sed potius animo ad omnia intento per-  
 lustrabat, inde vero in patriam reversus,  
 primo veluti rudimento peregrinatio-  
 nes suas succincte describere statuit, la-  
 bore tamen præter opinionem excre-  
 scente elegantissimum juxta, ac vastissi-  
 mum opus elucubrabat, quod *Theatrum*  
*Orbis terrarum* inscripsit, illudque obtu-  
 lit Philippo II. Hispaniæ Regi potentissi-  
 mo literariæ Reipublicæ Fautori, qui  
 hunc laborem tantopere probabat,  
 ut illius Auctorem pluribus benefi-  
 ciis, ac regii Geographi officio decora-  
 ret, qua liberalitate incitatus Ortellius  
 immenso labore *Thesaurum Geographicum*,  
 & *Synonima Geographica vetera, &*  
*nova* conscripsit, demum vero ex Roma-  
 norum numismatibus aureis, argenteis,  
 & æreis summa solertia collectis anti-  
 quorum locorum memoriam renovabat,

Sæcul. XVI.  
 A.C. 1598.  
 Thu. l. c.  
 Andr. Bibl.  
 Belg.  
 Spond. hoc  
 ann. n. 23.



**Sæcul. XVI.** ac tabulas a se eleganter depictas, quæ  
**A.C. 1598.** *Icones Deorum, Dearumque* vocat, a Francisco Swertio historice illustratas delineabat. Alium quoque edidit librum sub titulo: *Aurei sæculi imago*, ubi Germanorum veterum vitam, mores, & religionem exactissime descripsit, huncque librum Philippus Gallæus anno Christi millesimo quingentesimo nonagesimo octavo unacum iconibus publicè juris fecit. Extat etiam præfati Scriptoris itinerarium per nonnullas Galliæ Belgicæ ditiones præter antiquitates Gallo-Belgicas, porro cum varia peregrinationi Orbis miracula sedulo collecta afferret, Ernestus, & Albertus Austriae Archiduces, pluresque alii Nobiles, eruditique Viri non sine maxima voluptate ipsius Musæum accedebant, rarissimè spectaculis mirifice capti. Ceterum Cretelius plurimum aucta re familiari liberalis quidem erat in amicos literatos ac de se bene meritos, sui tamen ipsius adeo negligens, ut postumis vitæ causis pro symbolo uteretur pictura globi terrestris cum hac epigraphe: *contemno, & morbo suo exclamabat: nihil ego in hac vita relinquo, quo non possem, ac velle carere; tandem etiam ad summam ætatem cœlebs, & frugalis dies suos perducebat, & viribus per assidua studia ex-* hau-

haustus lenta tabe conficiebatur, ac die Sæcul. XVI.  
A.C. 1598.  
vigesima nona Junii annos natus septua-  
ginta & unum Antverpiæ vivis ereptus  
est, sepultusque in celebri divi Michaelis  
Præmonstratensium Abbatia, ubi Ju-  
stus Lipsius arcta amicitia Ortelio con-  
junctus defuncto honorifica inscriptione  
funebri parentabat.

§. LVIII.

*Thomæ Stapletoni decessus.*

Inter celebriores Controversiarum Scri- Pitfeus de  
Ill. Angl.  
Thuan. l. c.  
Mencken. §.  
Halin in  
Lexic.  
ptores, qui hoc sæculo floruerunt, Tho-  
mas Stapletonus ex illustrissima Anglo-  
rum prosapia Hemfeldæ Suffexiæ Co-  
mitatus oppido natus, qui evoluto stu-  
diorum curriculo Latinæ, Græcæ, &  
Hebraicæ linguæ peritissimus ingenti  
semper ardore pro tuenda Religione Ca-  
tholica flagrabat, atque in Theologicis  
disciplinis versatissimus, & Doctor sane  
egregius sui ævi hæreticos validissime  
impugnabat, postea creatus Cicestriæ  
Canonicus: cum autem Elisabetha An-  
gliæ Regina Catholicos, & præcipue  
Sacerdotes dire vexaret, eosque regno  
excedere juberet, ipse etiam Stapleto-  
nus relicta patria sua Parisios, & de-  
mum Romam se contulit, inde vero re-  
versus, ac Theologica laurea decoratus,  
primo Duaci, postea Lovanii Theologiæ

C c 3

Pro-